

靈石縣志





靈石縣志序

嘗聞元公置內外史而周禮始脩鄴侯  
收圖籍而漢鼎以興史之見重於國家  
也久矣但四方之志不修國史何徵歎  
光簡冊而嗣前徽其道無從由茲以觀  
邑志尚已夫邑之志或亦由古月吉獻  
書陳詩納賈之意爾不佞於政暇閱及  
靈志見分野辨而天道脩疆域奠而地

序

一

理明官師設坊表立而人事存焉是役  
也固天文地理人事之紀而守土者不  
可不慎其事也伏遇

上臺移檄徵志所屬靈雖撮爾隅東綿屏  
峙西汾環繞鍾靈毓秀間有偉人且表  
裏山河閔鎖阨塞實河東郡牖戶是志  
之尤重且切也蓋靈志創始遠不可稽  
一見於明萬曆辛丑知縣路一麟類稱



良吏材其箸次條目遇矚瞭然似無容更贊一辭迨自我

清版圖統一損益制易其紀載之遺缺名之替換人才之盛衰豈無繼此而有修明者念志屬不朽事傳千百世已往之典故樹千百世後起之芳規求其博而有要詳而有體憂憂乎其難之揣多固陋又薰繁雜恐難稱事延同學師

序

二

庠彙搜往牒採輿論循名核實商訂真贋仍其舊乘之篇目加以修飾可因者因之亦因其所不得因因可入者入之亦入其所不得不入裒繁益簡務使義類昭然以盡其所有事而已

康熙壬子季穉吉日知靈石縣事濟原人

侯榮圭撰

靈石縣志凡例

一舊志修後去今六十餘年時移勢殊中多缺典因陋就簡恐失體要竊取史記世界併各郡邑志彙宇諸志參訂考究義例頗正

一志與史名同記載而實則有殊史羅列國勢不得不疏節而濶目郡邑之事辨方物明疆界表人文不區別則不備依類採輯較舊頗詳

一志尊綱目統紀斯昭今仍以篇什為綱而列目分注於下此類相從秩然有序

一祀祠凡入祀典見中附者皆分注始

廟制以志不可湮沒餘止存其名目

一公署坊表風紀攸關雖廢必書俱其名實俱忘也

一人物謹據鄉評校議質實不訛然後敢志若以魚目為珠恐視珠為魚目矣事在疑似不敢濫書

一官師科貢舊書氏於前表筆於後殊失體今表年以首事分注以別類中有德業宦績者注於公氏下餘則止存姓氏



靈石縣志目錄

卷一

地理

沿革 堡寨 分野 形勝 山川 城池  
堡寨 關塞 台蹟 佳景 水利

建置

縣治 巡檢司 驛傳 分司 公館  
社倉 武備 存恤 橋梁 市集

卷二

風俗 丘墓 倉場 牌坊 里社

祠祀

廟壇 寺觀

田賦

戶口 田糧 站糧 程課 網錄  
戶益 學田 銀差 力差 倉

官師

知縣 儒學 巡檢 驛丞  
縣丞 典史

卷三

人物

忠孝 節義

仕進

科目 歲薦 劍貢 掾吏

祥異

卷四

馳封

文藝

編纂姓氏

濟人侯榮圭東陽父纂輯

縣丞馬文元

訓導孫進修校正

典史喬延祚

宰生張尊美編纂

庠生趙紹方謹書

庠生

陳之傳

王紹祖


經理

城境圖

護城堤

走利險設

汾河



德濟寺

北

縣

縣治

察院

布政司

瑞雲觀

東門

土地廟

社壇

邑壇

川壇

文昌閣

高莊鎮

馬王廟

瑞雲觀

南



東北至介休縣城

北至介休縣城

西北至孝義界

北至縣七里

東至沁源界一百六十里至縣一百三十里


四十一里

東南至霍州雙店村

南至州道

西至州界

西南至汾西界



西至州界一百里

西至州界一百里

西至州界一百里

西至州界一百里

西至州界一百里

西至州界一百里

西至州界一百里

西至州界一百里

西至州界一百里

西至州界一百里

西至州界一百里

西至州界一百里

西至州界一百里

西至州界一百里

西至州界一百里

靈石縣志卷之一

濟源侯榮圭東陽父編次

地理第一

量地制邑聖王重之靈石雖彈丸區其山川城郭  
及風俗之屬在在足紀然皆地理所具也作地理  
第一

沿革舜肇十有二州以冀州地廣分為冀幽併三州  
靈石時未有名在并州之域歷夏商周相因無改自  
晉文公追封介之推以綿上之田介休始得名乃晉  
大夫彌牟邑介靈石實其輿地戰國屬魏趙至秦郡  
縣天下遂為太原郡地兩漢俱如之曹魏屬西河郡  
晉屬西河國後魏置定陽郡改介休縣為平昌北齊  
置南朔州後周置介休郡靈石之民咸隸焉隋開皇  
十年文帝駕幸太原傍汾河開道獲一石有文曰大  
道永吉因以為瑞遂於其地建設縣治割介休西南  
地以益之仍屬汾州唐武德元年改屬介州乾元初  
復屬汾州隸河東道五代因之復為遼所有復歸於  
宋靖康後陷沒於金屬汾陽軍元改屬霍州隸平陽  
路大德後州路數易名而縣名無易明初仍舊為靈  
州轄縣并隸平陽府屬河東道總隸山西布政使司

萬曆二丁四年上臺建白陞汾州為府遂改隸汾州  
府屬冀南道萬曆四十三年平陽縉紳李都諫等請  
為郡中閔塞同疏建白仍隸河東道免轄霍州  
國朝因之

疆域袤一百一十里廣二百七十里東抵沁源縣界  
一百六十里南接霍州白道村五十五里西南至汾  
西界六十五里西至濕州界一百里西北至孝義界  
六十五里北至介休縣義棠鎮五十五里東北至介  
休候堡村四十里南至平陽府二百四十里北至省  
三百六十里至京師一千四百五十里

道里雖遠山濕居多人以石田為生所獲無幾且  
北當神京孔路南為秦豫咽喉凡任宦出入差役  
往來勢若絡繹供應之間較他邑苦甚

分野河東古冀州之域為實沈大梁之分唐自胃七  
度至畢十一度為大梁在酉屬冀州韜實沈之次晉  
魏分野紀世平陽實沈參神也左傳靈雖一區亦在

分野

昔保章氏辨土分星隨地皆有所以觀妖祥而審  
趨避也然應驗有合有不合似不必盡從其說敬  
天勤民妖妄不作此人事之本窺測何時哉

形勝南有郭家溝之天險北有靈石口之嚴關汾川襟帶於其中綿山拱峙於其東表裏山河扼塞隩要實晉陽保障河東要轄馬

山川綿山在縣東四十里以介之推隱於此名介山其山北跨介休東南連接沁源霍岳盤桓遼遠隨地異名中之形勢不可殫述蓋天下之名山也○馬頭山一名鳳頭山在縣東四十里抱腹岩南山勢聳出天晴明平陽可望見風鑑家謂平陽風氣之盛由此○抱腹山在縣東四十五里即所謂抱腹岩連接介休地亦載彼志中翠峯山在縣城東林木茂密四時

蒼翠故名焉○尖陽山在縣東南七十里山極陡峻挿入雲表每春融時積雪未消○石膏山與尖陽山相對多產石膏且佳故以為名其山有上中下三岩峯巒壁立谿壑幽深一登其上而瀟洒清奇若入異境靈石勝地無過此者○十八盤山在石膏山南山極陡險上下盤繞十八曲故名○孝文山在石膏山東十餘里相傳孝文皇帝寓此故名○逍遙山在縣南五十里○姚家山在縣西北十里○栢槐岩在縣東五十里與抱腹岩相連○馬跡岩在縣東三十五里石上有一馬跡宛然竹竿坂在縣南十里搖車繹亦

在東山中上多樹木○拖風澗在東山中人不可登  
○文殊原在縣西二十里相傳文殊菩薩化現於此  
故名○望川原在縣北七十里東西舖頭兩界相傳  
夏禹治水於此向北觀望立祠為望川神故名○王  
禹原在縣西南道美里相傳夏禹曾遊於此因立祠  
故名○馬家溝原在張志里與汾西縣地境相接○  
蛤蚧嶺在縣西南五十里以狀類名即古賈胡堡相  
相唐兵取霍邑駐此俗呼蚧子嶺

汾河在縣西出靜樂縣管涉山下沆經縣境冷泉等  
鎮直逼縣城之北○汾水源出遼縣西復轉而東抵

翠峰山下折而西南至崇河縣入於黃河○小水河  
在縣北門外源出綿山與地谷及栢溝曲美峪流經  
靜介等村至縣入汾夏秋水暴漲汹涌迅急勢如建  
瓴縣處下流數被其患○仁義河在縣南四十里源  
出沁源縣經流石碛山山之南過仁義鎮至南關鎮  
入汾○曲美峪在縣東四十里源出綿山箭藿岩  
諸溝之水流迤邐經村與小水河合同入於汾○  
栢溝峪河在栢林地源出綿山樂空諸澗水流張岫  
寺和與小水河合同入汾○興地峪河在栢溝村北  
源出介休五龍山北塔背諸澗水流經旌介等

村水利兩縣公沾會小水河入汾○石門峪河在縣西  
四十里源出孝義舒江等山峪諸水會流經文學等  
里至夏門鎮入汾即所謂西河也○新水峪河在縣  
西南六十里源出濕州回龍印馬峪而孝義栢枝峪  
諸水復自北來會之流經隄白等里至秦王嶺南入  
汾  
讐河在縣東一百七十里源出雀兒山岩東流入  
沁河○石村溝河在縣南五里會東山之水入汾○  
郭家溝河在韓侯嶺常家山之中各山水會流經  
魯班纏入汾○景家溝河在索州鎮汾河西通孝  
義郭壁等村諸溝之水入汾○賀家溝河在曹  
村北通文學里諸溝之水入汾桑平峪河在冷泉北  
十里居民千餘家山水洩繞異常沙峪溝河在縣東  
四里入小水河懷來峪河在縣西十里水入汾河多產  
煤炭○石門溝河在仁義驛北水入仁義河柳溝河在  
仁義驛東水入仁義河羅兒溝河在仁義東水入仁  
義河○青石溝河在道千村水亦入仁義河○冷泉  
在縣北四十里相傳今大雲寺中井是又云堡中泉  
是○野泉在縣南十里水極甘美○方泉在縣北七  
里多產煤炭○平泉在縣西北三十里水入景家溝○  
水峪溝河在縣東北十里水入小水河

城池靈石隋以前為介休地未建城郭創基自隋文始歷唐宋金脩理莫可考元至正二十四年同僉朱員因舊城築高二丈厚八尺洪武間知縣張先重修正統間知縣張翼展濶比面三百餘步正德辛未為流寇所破知縣孫璉主簿郭清築加高厚各四之一建南北城樓四隅角樓庚辰山水暴至東面俱圯署印府照磨白繼宗補築如故嘉靖庚子知縣种奎重修甲辰汾河溢西南面復圯於水知縣汪文昭李微相繼修葺隆慶己巳知縣申嘉言增高六尺再葺裏城七尺上砌磚梁內樹女牆各門樓重加整飭舊隄有南北門萬曆元年知縣曹乾開東西兩門三年山水暴溢幾至壞城知縣白夏補築額垣并砌城角石堰易置四門吊橋仍建東西樓及南門甕城且以東南近山受敵復建穿廊以防之城總計週圍三里一百八步高三丈九尺城外重壕二道深廣各八尺門四北曰承恩南曰正明東曰聞絃西曰樂泮敵樓四南門重樓一窩舖十叢爾小城屢經修整而名山大川四面且環繞之屹然為重地矣國初闖亂入城焚劫殆盡城舍皆墟順治六年知縣趙希晉重修城堞若世猶流

風俗其人至今溫恭克讓好謀而深和不怒此堯  
之遺風也晉問。其民有先王遺教君子深思小人  
儉陋山經。民性醇厚尚義禮有婚喪隣里相周而  
不吝郡志。○人性質朴士習馴雅俗淳訟簡不事驕  
奢六禮多遵晦菴家禮屏絕浮屠然好敬事鬼神享  
祀報本雖費不吝蓋不免隨俗太過云。○靈石僻  
在萬山間財貨不通山田瘠薄其人勤苦其風朴野  
故他方多事賈而靈石惟力農他方士藝競趨捷徑  
而靈石弟子員皆守章句不敢背師說以投時好仕  
宦尚氣節婚姻不計財賄蓋前輩皆然而今時少替

馬觀風錄

風俗之升降國家之理亂係焉昔靈之俗男耕女  
織老幼恒服布衣讌會時器用瓦磁食無異品即  
仕宦貴顯徒步街衢夫人親操井臼質朴之風化  
及里閭邇來奢靡習熟不論紳衿士庶服不衣綺  
純者愧進不登異味者耻所費不經日就空虛瘠  
薄之區堪此敗壞哉然承襲之弊固成於下而轉  
移之權實存乎上司風化者念之哉

堡寨索州堡在縣北二十里索洲鎮東山上○冷泉  
堡在縣北四十里冷泉關東山上○桑平堡在縣北



五十里桑平峪村南山上內有一井淵源不竭○靜  
昇堡在縣東二十里靜昇村北山上遇亂避兵一方  
恃為保障焉○仁義堡在縣南四十里仁義鎮北山  
上即劉武周修築兵以拒唐兵之處四面斬削山  
壁立峭拔若天成者極為完固○上村堡在縣東三  
里上村北山上○馬跡崖寨在縣東三十五里綿山  
上勢極陡峻其中岩穴窰洞足容數千人四面俱無  
路惟一石梯攀緣可登極高又有一石門據之雖萬  
夫莫敢仰視遠近人家聞有警皆奔趨以避兵患○  
送飯子寨在縣東三十里牛鼻山岩下高峻險阻不  
可上人多依之以避兵患○三清寨在縣東四十里  
綿山上四面俱懸崖陡澗險不可登上有一尖峰高  
過百餘丈厚數十丈若屏風然人謂之屏風石內有  
清泉可以避兵○曲買峪寨在縣東四十里山亦陡  
峻其中亦有清泉土人嘗避兵於此○禪房岩寨在  
綿山內四圍險阻中僅一路可通上有一石洞深入  
百尺風雨莫能加內一泉深止二三尺四時旱亦不  
涸潦亦不溢人以為神○桑平墩在桑平峪○冷泉  
墩在冷泉鎮○兩渡墩在兩渡鎮○索洲墩在索洲  
鎮河洲墩在河洲舖五墩相連在縣北○胡家嶺

二墩在縣東山上○大泉嶺墩在竹竿鋪○高壁嶺墩在韓侯嶺上○常家山墩在郭家溝南山上○仁義墩在仁義鎮○逍遙墩在大會頭鋪六墩相連在縣南關塞冷泉關在縣北四十五里即古川口也關外迤北皆平原曠野而入關則左山右河中惟一線實南北咽喉之重地焉○郭家溝在縣南二十五里兩山高峙中界深溝嘉靖己酉平陽知府聶公豹築臺起樓於溝南題名天險并建官廳三楹及窟洞數十空以為防禦官軍止宿之所溝跨一木橋歲久圯敝萬曆二年知縣白夏易以磚石仍再建吊橋於橋北深塹以遏敵衝其舊建關王廟并擴而大之兵巡蔡公偏樓之南曰幽壑岑樓其北曰深溝固壘曰右霍咽喉而知縣白夏則扁其橋為天險云○陰地關在縣西南五十里即南關鎮唐宋以來雄關橫亘太宗取霍邑曾駐兵於此今關廢遺址猶存俗稱南關者因冷泉在北故曰南以別之也舊志載仁義鎮為陰地關者誤○磨兒溝俗呼磨子溝在縣東北三十五里溝東西有墩臺二在抱腹岩西北與介休相界○魚兒川在縣東一百二十里綿山之內與沁源相界路通霍州岳陽武鄉趙城諸處山川險惡林木茂密流

寇七人據為淵藪劫掠焚擄擾害居民萬曆四年當  
道議修堡寨并置巡檢司於內竟未果

古蹟補林在縣東三十五里綿山之下晉介之推與  
母隱此文公縱火焚之不出同母抱樹而死其樹名  
黃蘆惟此山獨有大小俱半枯半榮後人即其地立  
廟祀之天旱禱雨多應宋神宗封為潔惠侯金元明  
相繼脩葺廟制宏麗林木茂密我朝崇奉益謹近  
林人家清明節三日不敢舉火

西河在縣西四十里即今文學里西河底村子夏為  
魏文侯師退居西河設教此其遊寓之地廟未詳建

自何時歷宋元明俱相繼修葺然田野民愚群建  
祠溷雜其中而置子夏側室內大不妥稱萬曆三年  
知縣白夏重建前堂移正神位闢除門道使人不得  
混褻扁其額曰先賢卜子之祠

韓侯嶺在縣南二十里漢高帝遠征陳豨於代呂后  
殺信未央仍遣人函首送帝值帝返兵此處遂葬其  
首於嶺上後人即其墓立廟祀之相傳塑像即其遺  
首云

藥空在縣東綿山之內四壁高峻中有平原相傳晉  
銅藥盈於此今其主祀於介廟中

魯班纏在縣西南四十里地極峻險上有寺相傳魯班所修故以為名寺後有石穴深幽邃暗人不敢入有大風自中出四時不息或以為風洞云

秦王嶺在縣西南三十里唐太宗取霍邑駐馬於此今馬蹄跡尚存

老生寨與秦王山嶺相對蓋宋老生築以拒唐兵者近有賈胡堡唐兵攻霍邑為老生所遏兵不得進因神語從微道進遂破之而其神即霍山神也

仁義鎮唐太宗與仁義之師既取霍邑劉武周據高險以扼其後太宗復破之故名

卷一

瑞石在北門外高六七尺玲瓏峽峭類太湖石狀相傳即隋文帝所獲之石令其文不復可辨識又傳留此以鎮城北之水患者

魚鼓洞在雙白里深靜村山峪相傳張果老漁鼓所化擊之聲如漁鼓然故名

聖松樹在文殊原村高四大餘相傳文殊菩薩鑿現於此

李靖結義處即小水鎮初靖謁楊素於西京素侍婢紅拂妓來奔靖携之行旅寓靈石邸舍中與虬髯公相遇各言其志以義氣結為兄妹相與訂盟仍約回

詣大原因劉文靜訪謁文皇虬髯公一見文皇志意  
阻喪遂與靖共入京師盡以寶貨泉貝贈之謂之曰  
李氏英主三五十年內即當太平持予之贈以佐真主  
贊功業耳後十年東南數千里有異事乃吾潞志時  
也別去靖據所有為豪家助文皇起兵貞觀十年虬  
髯公果終扶餘國王而自立舊有祠在西嶽廟內年  
深圯壞萬曆四甲重修

佳景一翠峯柳秀在縣東門外石壁峴兔山石峯巒聳  
出林叢茂木蒼翠可觀曉霧暮烟卷舒變化一登  
其上而城野景物盡在目前且重山疊嶂四望無

窮而梵宮琳宇遍滿山麓新建文昌閣於上愈為  
邑之大觀云

汾水環漪河自西北來與縣北門外水河合自  
城西流向東南三面旋繞如帶波濤洶湧傾瀉不窮  
水聲流澌御音應山谷月光蕩漾上下浮沉是稱一方  
勝槩云

陰地微陽古陰地閑即今南關鎮其地燥亢晉  
中風氣苦寒縣介平陽太原中冷泉迤北清霜  
白草風景凄然至縣以南漸覺暄暖人情亦稍舒  
暢冬初霜降而此地獨無故名

冷泉伏脉 冷泉距鎮東一田許其下與汾河通水之盈涸視汾河為消長而清冽寒涼與他泉迥異故以為名

霍嶽堆雲 霍山北跨靈石山極高峻四時雲氣彌漫非極晴不能盡見雲交即為雨土人望之以為雨微故云

暖岩積雪 即抱腹岩高出雲表非躋攀不可得陟秋冬方微雨上已大雪數尺春融時猶未消望之若銀堆然故云

膏山活石 石膏山有白不觀音坐化之處高

雲表上有石洞數處左為龍洞其水冬夏不盈涸寺僧塑像岩下石膏汁滴滿石岩埋沒其僧再塑再埋三易其像并三大其殿宇云

介廟神花 廟中有牡丹數本枝幹碩大不知何時所種每開時花皆紅色惟白花一朵開無定處土人密識其枝明歲即另易他本人以為神不敢輕折每時花開四方觀者不遠數百里且彌月相續不絕云水利萬金堤即北門外小水堤縣當東山諸水下流始開縣治築以護城屢壞屢修大為民害萬曆乙亥知縣自夏加築堅厚易以金名蓋謂功成有如萬金

并惜民之勞費不啻萬金云近年瀑漲逼堤歲有  
壞順治年間知縣徐來麟李廣生相繼修葺亦祇補  
其罅漏而已康熙十年塌濬一百餘丈水浸東南門  
內深為城患知縣侯榮圭修砌如故

乾龍池在學西北隅因築城取土遂成深池堪輿家  
以為不便萬曆乙亥知縣白夏自學東引水環遶西  
南流注於內而風氣乃完且西通城下暗渠再引汾  
水聚滿是備兵患士民便之

自濯池在寄樂園知縣白夏修其水去來不常清濁  
異時乃即自取之意補之因以自警云知縣路一麟

### 改園名尋樂

城下三渠縣中舊無井乃於城垣下鑿三暗渠以防  
他變一在東門一在北門俱導入小河之水一在西  
門則汾水引使來焉公私宇舍活水通流灌溉澆濯  
取首為便而淵渥不竭清冽更佳即有不虞可恃無  
恐矣

餘畝  
小水北渠知縣路一麟新開長一十五里灌地三百

丘墓晉介之推墓在縣東張蒿村地名神林  
漢韓信墓在縣南高壁鎮

宋名臣師範墓在縣東尹方村

金尚書馬瓊墓在縣西文學里馬家庄

元元帥溫舜墓在縣西文學里溫家溝大灘塋

進士喬世綱墓在縣東尹方村

明都憲吳珉墓在索州鎮北路傍

知州裴泰墓在縣南五里路東

主事裴繼芳墓在縣南五里路東

知縣房韞玉墓在縣北索州鎮南路東

兵備道王之楨墓在縣東蒜峪村南

國朝副總兵韓進墓在縣東北焦俊原

### 建置第二

叛之非難守之為難官署學校及倉場梁坊之屬均建置事也補舊維新當兢兢云作建置第二

縣治在聞絃門內街北歷代修建莫考洪武初平冀寧路始開縣治十一年知縣張先修完正德六年流寇破城盡燬於火知縣孫璣縣丞石宗重創為建置嘉靖間知縣董大經申嘉言相繼修葺萬曆三年知縣白夏再加整飭中為親民堂左武庫題曰蓄威右銀庫題曰藏富堂之東為鹵簿廳西為幕廳堂下為角道墜城石覆以亭各曹舍序列東西取拱房在東



之比獄舍在西曹之南亭前為儀門并左右角門再  
前為大門土地祠在儀門之外寅賓館又在土地祠  
之東親民堂後為退思堂右側為抄案房室極後為  
知縣宅二十九年知縣路一麟復加修理宅東有尋  
樂園園中有看雲亭後為仰止堂園中有餐霞軒軒  
後為桃李精舍縣丞宅在退思堂之東典史宅在縣  
丞宅之南吏解則聯居各宅之東南隅焉  
儒學在樂洪門內街北中為

先師殿元大德十一年知縣韓敦武建左右兩廡明洪武十六年知縣李尚文建前

為戟門門外為泮池上加三橋引城西汾河水環流

於內景泰間知縣范寧修建前則標星門東舊門址上起青雲

樓建文昌魁星祠仍空其下以便出入明倫堂五楹

在廟殿後堂前有進德修業二齋堂北為敬一亭明有

御製碑銘亭後為尊經閣教諭訓導兩宅俱在修業齋西

宅後射圃一宅前會講堂一今廢址在正德間燬於賊知縣

孫遜重修萬曆二年山水入城浸漂由木知縣白夏重修崇禎九

年時久圯壞知縣趙龍重修

國朝順治初年叠壞於兵火知縣趙希普李廣生相繼

孫進修鳩工輯理殿宇輝以金碧堂康熙八年訓導碧堂陸躬親受草視

元至正二年知縣冉大年建七廟于靜昇村一

靈石口巡檢司在城北四十五里冷泉鎮今裁去  
瑞石驛在城南門外高崖頭鎮隋開皇間因獲瑞石  
先置驛於此

仁義驛在城南四十里仁義鎮

稽周禮遺人之掌委積之待為送迎賓旅設也案  
代相仍清興不改尚矣但靈人貧寡不堪獨應  
兩驛依馬政全書該汾西岳陽浮山三縣朋應仁  
義驛馬今已遵行瑞石驛孝義縣該貼十二頭匹  
翼城襄陵洪洞三縣各三頭匹至今未行

陰陽學在察院門街南 醫學在縣門街南

僧會司在城內惠濟寺 道會司在城東瑞雲觀

申明亭在縣大門東街北

譙樓在縣西大街中知縣孫遜建知縣路一麟重修  
察院在正明門街東巷內正統間知縣李閻改晏公  
廟為之地勢低下萬曆乙亥知縣白夏重修  
布政分司在城內東南隅知縣李閻建

按察分司在開絃門街南巷內知縣李閻建

冷泉察院在冷泉鎮萬曆二年知縣白夏創建

冷泉公館在南察院西街北萬曆四年知縣白夏建  
仁義公館在仁義驛東

倉場預備倉在東門內墻下正統間知縣李閏建立社倉五一在預備倉內一在仁義鎮一在冷泉鎮一在蘓溪村一在改純村

社倉之設取漢長平隋義倉之遺意也明季奉行不善病作者之涼可慨也夫實廢名存俟後之行仁政者

草場在惠濟寺東

武備演武場在小水北岸嘉靖癸卯知縣種奎建立申嘉言重修

本縣庫貯軍火器械

將軍砲二位○滅賊砲三十位○生鉄砲三十二位○鉄子五百箇○火藥五百斤○封口鉛子五十箇二號鉛子二百箇三號鉛子一萬一千箇四號鉛子五百箇

舖舍總舖在城內布政分司西側○竹竿舖在城南十里高壁舖在城南二十里常家山舖在城南三十里○仁義舖在城南四十里○大會頭舖在城南五十里接霍州界河洲舖在北十里索洲舖在城北二十里○兩渡舖在城北三十里○冷泉舖在城北四十五里接介休縣界○道美舖在城西南六十里

接汾西縣界

存恤養濟院在城內東北隅

涵澤園在北門外東山下

橋梁中流砥柱橋在縣北門外冬春石砌上覆以木

夏初撤去○天陰橋舊名惠濟橋在縣南二十五里

郭家溝上嘉靖七年知縣賴膺漢建中空架木以梁

歲久激增萬層二年知縣白夏去木易碑仍於橋北

傍路中鑿吊橋以防兵衝○仁義橋在仁義河上冬

春木石搭成夏秋不撤去○永固橋在冷泉鎮西北

弘治間知縣黃鑑建今廢設有船雙池橋在縣西

雙池鎮○兩渡橋在曹村里○索洲渡橋在索洲鎮

西○船兒塔渡橋在小水鎮西北○夏門渡橋在夏

門東○南關渡橋在南關西○石曲渡橋在黃里以

上諸渡俱以河經夏秋撤去

而集城市一以二十為期小水鎮一以五八為期

冷泉鎮一以七日為期仁義鎮一以一六日為期

雙池鎮一以二七日為期石門峪一以一六日為期

上庄村一以五十為期

學坊儒林坊在學御史行臺坊在察院西巷

張私伯坊在城隍廟○補天坊在南關皇極廟

繁惠侯坊在東鄉个西門前源頭活水坊在縣治東園

雲臺濟武坊在文昌閣前演武坊在演武場門外

迎恩坊在仁義驛門東 駐節坊在仁義驛門西

冷泉候館坊在冷泉察東巷青雲聚慶坊如縣自夏為

登雲坊在冷泉鎮為舉人亞魁坊在南街為舉人裴素

逢鴻肇漸坊在北街為舉人青雲接武坊在南街為舉人

步蟾坊在冷泉鎮為舉人青雲榜坊在高崖頭為舉人

蟾窟重光坊在中街為舉人拆桂坊在冷泉鎮為舉人周

太守坊在冷泉鎮為知金榜傳芳坊在南街為進士

都憲坊在南街為知亞魁坊在中街為舉人張傑

國華坊在南街為舉人亞魁坊在素洲鎮為舉人

一鶚橫秋坊在古街為舉人尚義坊在溝東村為義民劉

鵲鳴真誼坊在姑蘇村為舉人一門雙節坊在南街為鄭氏

貞烈坊在冷泉鎮為曾氏貞節坊在冷泉鎮為李氏立

捐粟助賑坊在冷泉鎮為義兵憲坊在小水鎮為進士王

里社舊里十八頓二年春文合并為五因焚火之

餘版實人虛故有日八舉凡遇見年昔用三人應役者

今止用一人役少盡寡深為民便

一城中里籍城 一東作里籍城東園

一南訛里籍城 一西成里籍城西園

一北易里 籍城北關 鄉諸村堡

孤老有院漏澤有園息犂獨澤枯骨之仁政也  
創於明洪武之伍年

國朝因之使生養沒寧顛連得所善哉至橋梁之  
利涉市集之通貨牌坊所以表宅里而樹風聲  
里社所以紀維繫而奠民居謀國經野治體依  
闕司牧者留心焉 右通贊建置

